

DÉZIÈM CHAPIT

Mouin kouè nan Jézu-Kri, sèl Pitit Bondié-a

Bòn Nouvèl-la : Bondié voyé Pitit li-a

422 « Lè tan-an rivé bout li, Bondié voyé Pitit li-a ki fèt sot nan madanm-
389 nan, ki fèt anba laloua-a, pou sa-yo ki té anba laloua-a, li té kapab rachté
yo, pou nou té kapab vîn tounin pitit adoptif » (Ga 4, 4-5). Min Évanjil
Jézu-Kri Pitit Bondié (Mc 1, 1) : Bondié té vizité pèp li-a (cf. Lc 1, 68), il
2763 akonpli promès ki té fèt bay Abraam ak ras li-a (cf. Lc 1, 55). Li té fè sa
antan-l dépasé tout sa yo t-ap tann : li voyé Pitit li-a li rinmin-an (Mc 1,
11).

423 Nou kouè épi nou déklaré Jézu moun Nazarèt, Juif ki pran nésans nan
yon pitit fi Israël nan Bétléèm, sou tan roua Éròd legran épi anprès Sézar
Ogus I, métié-l sé té chapantié, li mouri klouré sou koua Jérusalèm, sou
Pons Pilat ki té administratè, lè anprès Tibèr t-ap régné, li sé Pitit Bondié
dépi anvan tout tan ki vîn tounin moun, « sé nan Bondié li té soti » (Jn 13,
3), li « désann sot nan sièl-la » (Jn 3, 13 ; 6, 33), li vini nan chè-a (1 Jn 4,
2), paské « Paròl-la vîn tounin chè, li abité nan nou ; nou ouè gloua-li,
gloua tankou Sèl Pitit-la ki sot nan Papa-a, plin gras ak vérité. [...] Nan
sa-l plin-an, nou tout nou résévoua, épi gras sou gras » (Jn 1, 14. 16).

424 Antan lagras Éspri-Sin-an mété nou an mouvman épi Papa-a ap rédi
683 nou, nou kouè épi nou déklaré parapò a Jézu : « Ou sé Kris, Pitit Bondié
552 vivan-an » (Mt 16, 16). Sé sou ròch lafoua sa-a, sa Piè té déklaré-a, Kris-
la bati l'Égliz li-a (cf. Mt 16, 18 ; S. Léon le Grand, serm. 4, 3 : PL 54,
151 ; 51, 1 : PL 54, 309B ; 62, 2 : PL 350C-351A ; 83, 3 : PL 54, 432A).

« Anonsé richès Kris-la yo pa kapab sondé-yo » (Ep 3, 8)

425 Transmèt lafoua krétyin-an sé toudabò anonsé Jézu-Kri pou minnin
moun-yo nan lafoua nan li. Dépi nan kòmansman, premié disip-yo t-ap
boulé ak dézi anonsé Kris-la : « Nou pa kapab pa di sa nou ouè ak sa nou
850, 858 tandé » (Ac 4, 20). Yo invité moun-yo nan tout tan-yo pou yo antré nan kè
kontan kominion yo-a avèk Kris-la :

« Sa nou té tandé-a, sa nou té ouè ak jé nou-yo, sa nou té konsidéré-a, sa min
nou té touché-a osijè paròl lavi-a, – épi lavi-a té manifesté, nou té ouè, nou
sèvi témouin, nou anonsé nou lavi tout tan-an, ki té dévan Papa-a épi ki té

parèt pou nou-an –. Sa nou té ouè-a épi nou té tandé-a, nou anonsé-l ba nou tou, pou nou minm nou gin kominion avèk nou. Kominion pa nou-an minm li avèk Papa-a épi avèk Pitit li-a, Jézu-Kri. Épi bagay sa-yo nou ékri yo nou minm pou kè kontan nou-an vîn an plin » (1 Jn 1, 1-4).

Nan kè katéchèz-la : Kris-la

426 « Tousuit donk yo doué déklaré nan fon rézondèt katéchèz-la minm sé
1698 yon pèrsòn yo jouinn ésansiyèlman : Jézu-Kri moun Nazarèt-la, “Sèl Pitit
Papa-a anfanté-a” [...] ; ki té soufri épi mouri pou nou ; épitou ki té
résisité, l-ap viv tout tan avèk nou. [...] Transmèt katéchèz-la [...] sé
minm bagay li yé ak dévoualé nan Pèrsòn Kris-la tout projè Bondié-a dépi
513 anvan tout tan-an [...] ; sé minm bagay ak fè éfò pou konprann sans
aksion ak paròl Kris-la épitou sign-yo li té fè-yo » (CT 5). Rézondèt
katéchèz-la : « Sé pou fè moun-nan [...] rivé nan kominion avèk li [avèk
Jézu-Kri] [...] ; li-minm sèl réyéyman kapab kondui yon moun pou-l rivé
260 nan rinmin Papa-a nan Éspri-a épi pou-l patitisé nan lavi Trè Sint Trinité-
a » (ibid.).

427 « Yo doué déklaré donk nan katéchèz-la sé ansègnman Kris-la, Paròl
2146 ki tounin chè-a épi Pitit Bondié-a yo transmèt, min tout lòt bagay-yo sé
nan mézi yo an rapò ak li ; sé Kris-la sèlman ki anségné, minm si lòt ap
anségné nan mézi yo sé mésajé-l oubyin intèprèt li épi nan mézi Kris-la ap
palé palintèmediè bouch yo. [...] Yo t-a doué donk kapab rapòtè paròl
876 voualé an mistè Kris-la té di-a bay tout ansègnan katéchèz : “Ansègnman-
m nan pa ansègnman pa-m min ansègnman Sa-a ki voyé-m nan” (Jn 7,
16) » (ibid., 6).

428 Sé poutèt sa, moun yo rélé pou-l anonsé bòn nouvèl Kris-la doué
chèché toudabò « sians Jézu-Kri ki dépasé tout bagay-la » ; sé pou li « fè
tout bagay yo pasé kòm domaj », pou-l « kapab jouinn avantaj » li « nan
Kris-la », pou-l « konnin li-minm avèk fòs Réziréksion-l nan », pou-l
« asosié avèk soufrans li-yo », pou-l « sanblé ak lanmò-l » pou-l « kapab
rivé résisité sot nan pami mò-yo » (Ph 3, 8-11).

429 Sé apati konésans aféksion rinmin sa-a pou Kris-la, dézi pou anonsé-l
831 la vîn soti, pou « évanjélisé », épi kondui lòt-yo nan « konsantman »
lafoua nan Jézu-Kri-a. Min an minm tan, yo ouè gin nésésité pou konnin
lafoua sa-a toujou pi byin. Pou rivé nan sa, dapré lòd Sinbòl lafoua-a,
toudabò yo pral prezanté prinsipal tit Jézu-yo : Kris, Pitit Bondié,
Granmèt (atik 2). Apré sa Sinbòl-la déklaré prinsipal mistè lavi Kris-la :
Inkarnasion-l nan (atik 3), Pak li-a (atik 4 é 5), épi anfin glorifikasion-l
nan (atik 6 é 7).

[◀Atik
anvan-an](#)

[Gid jénéral-la](#)

[Atik▶
apré-a](#)